



Nūmera Togipepa			

NŪMERA Ā'OGA							



Su'ega Aoao Tausaga 13 A Sāmoa

GAGANA SĀMOA

2015

PEPA FESILI MA TALI

Taimi Fa'atulagaina: 3 Itūla & 10 Minute

FA'ATONUGA:

1. E 10 minute e faitau ai 'ae le'i 'āmata ona tusi au tali.
2. Tusi manino lau Nūmera Ā'oga i le pito i luga 'o le itū taumatau 'o le itūlau lenei.
3. Tusi tali i avanoa 'ua saunia i totonu o lenei Pepa Fesili ma Tali.
4. 'Āfai e mana'omia nisi pepa mo au tali, fesili i le Faisu'ega mo nisi pepa fa'aopoopo. Fa'apipi'i pepa fa'aopoopo i itūlau talafeagai 'o le pepa su'ega

ĀLĀFUA	Itūlau	Taimi (Mīnute)	TOGI
1. Vaēga 'ese'ese 'o le Gagana	2	30	16
2. A'oina 'o le Gagana	5	30	16
3. Fa'amaumauga ma Fetufaā'iga	8	44	24
4. Feso'ota'iga i Alafa'asalalau	14	36	20
5. Fa'atinoga o Tu ma Āga 'a Sāmoa	19	20	12
6. Fa'afiafiaga ma Ta'aloga	22	20	12
AOFA'IGA		180	100

Siaki lau pepa po'o 'atoa 'uma itūlau mai le 2 - 25

TAU'A'AO LAU PEPA FESILI MA TALI I LE FAISU'EGA PE 'A MA'EA LE SU'EGA.

Fa'atonuga: O fesili uma o le vāega lenei olo'o aga'i tonu i vāega 'ese'ese o le gagana. Tali uma fesili o le vāega lenei i avanoa ua saunia.

1.1 O Sina o le **tuafafine** o Tui. O le a le vāega o le gagana 'olo'o iai le upu olo'o vase lalo?

Tomai 'ausia	
1	
0	
LT	

1.2 **E pupula mai mata o le alelo.** Tusi mai le veape 'olo'o i le fuai'upu.

Tomai 'ausia	
1	
0	
LT	

1.3 Fa'atumu avanoa i upu talafeagai.

O mo'omo'oga i sea'ula a _____ e susu'i ae manatua e toe _____ fo'i le la.

Tomai 'ausia	
1	
0	
LT	

1.4 O a aogā o le **le** 'olo'o fa'aaoga ai i fuai'upu nei?

Ou te **le** alu i Apia

Sau **le** e ana le api

Tomai 'ausia	
2	
1	
0	
LT	

1.5 Tusi mai le itu'āiga Gagana e iai fuai'upu olo'o tusia i lalo.

A uma ona e 'ai ona e sau lea e va'ai a'u.

Mātū mai vai lau afioga Patele

Tomai 'ausia	
3	
2	
1	
0	
LT	

Ua muā muā le asō e pei o le upu ia Tualemoso.

1.6 Liliu le palakalafa olo'o i lalo i lona uiga faigofie.

E fa'atulou i lau fa'afofoga'aga Sāmoa, i ou ao tutafa'itoa ma ou tapu masani e te malu ai, 'auā o 'oe lava o le ao mamala, o le atunu'u tofi mai le vavau e o'o i le fa'avavau. Tulouna ia ou paia fa'ale-Talalelei 'auā le Atua olo'o Fa'avae ai Samoa. Tulouna foi ou sa faale-Malo i ona mamalu fa'alupeina, ae matua le tu'u i ou paia fa'ale-aganu'u, e lē toe autalaina e se tasi, e afua mai Manu'a se'ia o'o i le nofoaga e goto ai le la i Salāfai.

Tomai 'ausia	
3	
2	
1	
0	
LT	

Fa'atonuga: O fesili o le vāega lenei e fa'atatau lea i le malamalama lautele o le fānau i so'o se vaipanoa o le gagana ma le aganu'u. Tali 'uma fesili o le vāega lenei i avanoa ua saunia.

2.1 Tusi sau fuai'upu 'ānoa se tasi e fa'aaoga ai upu nei:

'tautai matapalapala' ma le 'fagota i le sao'

Tomai 'ausia	
3	
2	
1	
0	
LT	

2.2 Fa'ailoa mai po'o fea o fa'a'upuga 'olo'o i lalo o 'Alagā'upu ma Muagagana'

- Ua sau 'Apaula ua tautua
- 'imoa o faleo'o e gase i faletele
- la fua feti'iti'i le niu

Tomai 'ausia	
3	
2	
1	
0	
LT	

2.3 Tusi mai se fa'ataitaiga o le 'Gagana Fa'asasano'.

Tomai 'ausia	
1	
0	
LT	

2.4 O le a le uiga o le fa'a'upuga 'ua fati sisina le galu'?

Tomai 'ausia	
1	
0	
LT	

2.5 O le a le fa'auigaga o le fa'a'upuga 'ua le nanamu le sigano'?

Tomai 'ausia	
1	
0	
LT	

2.6 Tusi mai sau faitioga e fa'atatau i le 'autū 'ua le nanamu la tā Gagana Sāmoa'.

Tomai 'ausia	
2	
1	
0	
LT	

Fa'atonuga : Faitau le Lauga ia malamalama ona tali lea o fesili 'olo'o mulimuli mai.

1. Sa avealalo nei le i'a a le 'āiga Sa Saumani i le sivaloa ma le fa'atau pa'ia i Matua nei ma Salemulī'aga, ma ua tasi le fa'atau, o a'u o le a faia se fa'afetai.

“Malie!”

Tulouna le taeao toto'a ma le taeao manino. Ua mati'eti'e maota o 'Āiga ma le Vaipaepae.

Aisea? Ua afio lau afioga i le Tuiātua Fa'anofonofo.

5. Ua alaala lau tōfā i le Matua Fuataga.

Ua āfifio le pa'ia i Alalamalae, le Falefia o Ali'i, Suafa ma le Ma'opū a le Tuia'ana.

Ua mamalu aua ua alalatai To'oto'o ma Sale'a'aumua.

“Fetalaiga malie”

Lea e afifio atu Ālosina ma Sa Amituanai, Ali'i o Paepae ma Sa Lā'ulu ma Suafa, Alaala Tuātō ma Tolova'a ma Salemulī'aga.

10. Ta'alolo le paia o le taeao.

“Malie” O le tali ane lea a le maota.

Ua mautū atu se 'ata iti a o se 'ava e lē fonotia. Talofa Sale'a'aumua i lau pule'ava ma lau fa'asoa. E ava sola Tuātō ma Tolova'a a ua fa'alaulautoafa tuāmaota o 'Āiga nei, 'ae ui i lea, ua e tōpule ma fā'ia le ava o le tānoa i 'aumaga o tōfīga latou te māia ma lu'ia, a mē'a teuteu, tapa ipu o le taeao.

Tau'a'ao se ipu i le Tuiātua Fa'anofonofo.

Tapa se ipu i Alalamalae.

15. Ofoa'i se 'ava i To'oto'o.

Taumafa se 'ava i Sale'a'aumua.

A liliu le fa'asoa, tau'a'ao se ipu i 'Āiga nei. Taumafa se 'ava i Matua na ma Salemulī'aga. Se suālofi e totoe. Fou ma le toeaina. Ta'alolo le pa'ia o le agatonu.

O le asō ua malōāfua 'ailao ua maua. Ua tatou fesilafai i luma o le nu'u ae le 'o tua o le nu'u. Ua laga le va'a o manū ae faō le va'a o mala. Ua tatou sa'a i ma'a o mālie 'ae eva i lagitau. O moli na lililo ua ali i mulivai.

E ui i se tōfā ma se fa'autaga o le asō ole'ā tatou lauluafesilafā'i ai i Oloitefu ma Mutiatele ma le Vaipaepae, 'ae 'ana lē fa'atasi le Atua, e lē taunu'u.

20. Talofa o fa'amoemoega o le soifuaga, o le foe e fa'ae'e i le tau e tafea. O lou lātō i le tai ma lou lātō i le ala, ua tele tama fa'apelepele ua fano ai, peitai ua alofagia e le Atua le faigamalaga. Ua tatou fesilafai i magāfetau o le soifua. Ta'alolo le alofa o le Atua i ana 'au'auna 'olo'o fa'anōnōmanū mo Sāmoa.

O upu i Taeaο, tulouna ia Taeaο.

Tulouna le Taeaο nai Sauā. Tulouna le Taeaο nai Samanā. Tulouna ia le aso nai Tumua.

Tulouna le Taeaο o le Talalelei.

Tulouna le Taeaο nai Mataniu Feagai male Ata

25. Tulouna le Taeaο nai Faleū ma Utuagiagi.

Tulouna le Taeaο nai Malaeola ma Nafoga.

O le Taeaο sili, o le Taeaο lenei ua tatou fesilafai manuia.

Ta'alolo le pa'ia o le Taeaο.

Fuataga ma le faigamalaga, o lou tou tu'utu'u la'au fa'amanu iti i Salāfai nei 'ona o le vala'aulia o lau 'aufaipese i le fa'aulufalega o le mauga o le Atua i Malaeolemā, matou te talitonu o lea e te afio mai ma le mea 'ātoa, 'auā e faigāta o lau lupe fa'alele, o lau taulaga tagata, tulou!

30. O le mea sili, lea ua mapu mai i fanua, o lou 'āiga lenei. Ua e motu ma le taula, ae ole'ā matou fesoasoani atu i lou vala'aulia.

O 'upu i ou pa'ia ma mamalu, ole'ā lē o'o iai sa matou fa'amatalaga. O le ala foi lea o le lē asaina i tua o se 'upu aua, 'ā 'e fetalai, o a'u lea, 'a o'u lauga foi o 'oe lena.

“Mālie”

O le asō, tau o le pua e ula.

O fea se taimi a o se aso ole'ā tu'uama le fua ma taliu le uto i Tumua, ia tautai leova.

35. Mamao ia ni ou lagi fa'atafa ma ni tuata'afalu Fuataga, ni lagi fa'atafa i Alalaimalae.

'Aua nei solo le fue pe fati le mālō

To'oto'o ma Sale'a'aumua.

Ia alofa foi le Atua i 'Āiga ia, 'ia mamā le lagi ma 'ia solotua ao vale, maua le lāuga e Matua nei ma Salemuliga.

Tatou alo'ava, ua mai vai 'ae suamalie 'ava i le alofa o le Atua.

40. Manuia le aso.

Si'itia mai le Tusi 1, Tausaga 13.

3.1 O le ā tonu le itu'āiga lāuga e pei 'ona tusia?

Tomai 'ausia	
1	
0	
LT	

3.2 O ai e folafolaina 'ava o se feiloa'iga, 'o le malaga po o le nu'u?

Tomai 'ausia	
1	
0	
LT	

3.3 Palakalafa 12: **“Ua mautū atu se 'ava ataiti, 'a 'o se 'ava lē fonotia”**

O le ā le uiga moni o lea fuaitau?

Tomai 'ausia	
2	
1	
0	
LT	

3.4 Palakalafa 17: **“A liliu le fa'asoa, tau'a'ao se ipu i 'Āiga ia”**

O ai matai e fa'atatau i ai le upu 'Āiga?

Tomai 'ausia	
1	
0	
LT	

3.5 Palakalafa 20: **“Ua tatou feiloai i le magāfetau o le soifua”**

O le ā le talatu'u e mafua ai lea fa'a'upuga?

Tomai 'ausia	
1	
0	
LT	

3.6 Tusi mai se fuai'upu mai le tala e fa'ailoa mai ai e faiā nu'u e lua 'olo'o feiloai.

Tomai 'ausia	
1	
0	
LT	

3.7 O ai tonu nu'u 'olo'o feiloa'i?

Tomai 'ausia	
2	
1	
0	
LT	

3.11 Tusi mai le Taeao o le 'Ekālesia Katoliko e pei ona tā'ua i le lauga.

Tomai 'ausia	
1	
0	
LT	

3.12 O le ā le uiga faigōfie o le upu fa'anōnōmanū?

Tomai 'ausia	
1	
0	
LT	

3.13 O le ā le 'auga o le feiloa'iga lenei?

Tomai 'ausia	
1	
0	
LT	

3.14 Tusi mai se isi fa'aupuga a le atunu'u e sui ai le fa'a'upuga;

“Ia mamao ni Ao lelea i le faigamalaga”

Tomai 'ausia	
2	
1	
0	
LT	

3.15 Tusi sau palakalafa e fa'amatala mai ai uiga o taeao o Sāmoa e pei ona tā'ua i le tala.

Tomai 'ausia	
3	
2	
1	
0	
LT	

Fa'atonuga: Faitau manino le fa'asalalauga ua tusia 'ona tali uma lea o fesili.

1. Nei to'oa soloi ane lou paepae lei Sāmoa, 'auā lau fa'asausauga, pei o le fetalaiga i le tamaita'i o Sina le Teuila, nai le ana ma le ta'afi fa'anānātama, tulou, tulou lava!

Ua 'ite nei le malama i Saua ma ua fotulupe le faiva o tama. Ua taupaletū fo'i le la ma ua sa'ili malu i le ata tama o le tauti'aga. E le'o se ua na fa'afuāvēta, 'a 'o le ua na āfua mai Manu'a, ma ua le'o po se lilo 'auā ua ta'oto i paga le fa'amoemoe, pei 'ona lupe ai nei le lafo a Lualemana. 'Avea ia mo lo outou pa'ia ma le mamalu alofaga o le laula'i, ae se'i taumafai se upu 'auā le fa'afofogaaga a lo'u itumalo pele, Olofane Numera 3.

Susū ia i papa -le- gae'e ma le fala le se'e, le pa'ia o aofa'alupega, 'olo'o fa'afalelēmālu i le itūmālō.

Afifio le paia i 'Āiga o Tupu, 'Āiga o Nofo ma 'Āiga o Pāpā, ae alalata'i tulatoa ma Faleupolu 'auā o mamalu sausaugatā, e sivataufai i ai le matagi. Tulou, Tulona lava!

5. Lo'u itumālō e, 'āfai ole'ā 'aiavea le to'afilēmu o lau mālōlōga, 'ou te 'ai'oi atu, tau lava o sina lima mīnute mo a'u.

E le'i tau fua le pua nai 'Aganoa e le manaia.

E le'i 'a'au fua le tausala ina 'ua ulafia lona pua gagana.

E le'i tagi fua Salevao

E le'i totō fua le tava'etoto ae siva Tumupu'e.

10. Ua 'ou iloa ou mafatiaga, ua 'ou mālmalama i to'a ua 'a'afia ai la tatou fa'asao mautinoa mo le lumana'i manuia o ta'ita'i o Sāmoa a taeao.

Ua āfāina a tatou measina, ma 'ua le nanamu le sigano.

Ua soso'o maninoa ma afā i o tatou maota o sulufa'iga

Lo tatou sami tioata ua le vivi'i i le Atua

Ma vaitafe ua le patipati fiafia i le Ali'i.

15. Ou te tatalo atu i le tōfā male fa'autaga, o le tōfā e sa'ilimālō ma le fa'autaga e ta'amilo i le lalolagi 'ae lē fa'aluaaina. A tusa ai ma o outou finagalo, 'avea a'u ma o outou fofoga i le fa'alāgamaea a Sāmoa. O ou lagona, 'ou te fa'aali. O ou manatu, 'ou te tautala. O ou mana'o foi, 'ou te tautua.

O le itū tāua ‘ou te fia ta’u atu, nei taumate fa’ameataitai le vāega fa’aupufai ‘ou te ‘auai, ‘ae lelei ‘ona motu o le pa ‘a ‘ua iloa, ‘ia nofoilo foi le sā o Fiame. O a’u, o le suitauvā sa’oloto. O le uiga o lo’u manatu, ‘āfai ‘ae filifilia a’u, e pule le itūmālō male itu ‘ou te alu i ai. ‘Ou te fa’alogo i lau fautuaga. ‘Ou te usitai i lou finagalo.

O le mealea, lo’u itūmālō e, ‘ua ta momo’o i sea’ula a toli e susu’i, ae faigatā ‘auā ‘ua sola le fitu mīnute o le tamāloa. ‘Ou te lē tātātuli pe fafagu iā te ‘oe le pele, se’ia faitalia o ia. O lou finagalo ole’ā fa’aalia e ala i lau palota, o le a fai ma molimau, e lē gata o le talafa’asolopito o lo’u olaga, ‘a ‘o le paea’iga o le 1985-1988.

A tusa ai ma lou finagalo, palota mo Alailefue Lotolelei, Numera 2, i lau pepa palota.

O la ‘outou ‘au’auna usiusita’i ma fa’amāoni.

20. Soifua

Si’itia mai le Tusi 2, Tausaga 13.

4.1 Fa’auma e ‘oe le fuai’upu ini au lava ‘upu, ‘ia maua ai le agaga o le ‘autū.

Tomai ‘ausia	
2	
1	
0	
LT	

Nei to’oa soloi ane lou paepaele Sāmoa

4.2 Palakalafa 2: **Ua ‘ite nei le malama i Saua.**

O gafea o Sāmoa e iai Saua?

Tomai ‘ausia	
1	
0	
LT	

4.3 Palakalafa 2: **‘Avea ia mo lo outou pa’ia ma le mamalu alofaga o le laula’i.**

O le ā le laula’i?

Tomai ‘ausia	
1	
0	
LT	

4.6 Palakalafa 13 &14: **Lo tatou sami tioata ua lē vivii i le Atua. Ma vaiatafe ua lē patipati fiafia i le Alii.**

O le ā se fa'auigaga faigōfie o ia fuai'upu?

Tomai 'ausia	
2	
1	
0	
LT	

4.7 **'Ou te tatalo atu i le tōfā ma le fa'autaga.**

O ai e fa'asino i ai le tōfā, a o ai e fa'asino i ai le fa'autaga?

Tomai 'ausia	
2	
1	
0	
LT	

4.8 O le ā tonu le fa'alāgamaea a Sāmoa e pei ona tā'ua i le tala?

Tomai 'ausia	
1	
0	
LT	

4.9 O fea le itūmālō o le sui tauvā?

Tomai 'ausia	
1	
0	
LT	

Fa'atonuga: Tali uma fesili o mulimuli mai.

5.1 Lisi mai vāega o le **'sua taute'**.

Tomai 'ausia	
1	
0	
LT	

5.2 5.1 Tusi mai le **Fa'alupega o Sāmoa** 'ātoa.

Tomai 'ausia	
2	
1	
0	
LT	

5.3 Fa'amatala lelei mai le mafua'aga o le suafa **'Malietoa'**.

Tomai 'ausia	
2	
1	
0	
LT	

Fa’atonuga: Tali uma fesili o le vaega lenei.

6.1 Fa’amatala mai le siva a Sāmoa ua tā’ua o le **Mā’ulu’ulu**.

Tomai 'ausia	
2	
1	
0	
LT	

6.2 Lisi mai malae sa fa’atino ai le ‘**Aigofie a Atiōgie ma Salevaogogo**.

Tomai 'ausia	
2	
1	
0	
LT	

6.3 Tusi mai ni alagaupu se 2 e maua mai le ta’aloga o le **Tōloga**.

Tomai 'ausia	
2	
1	
0	
LT	

6.4 Fa'amālamalama lelei mai le siva a Sāmoa o le Panauavila.

Tomai 'ausia	
2	
1	
0	
LT	

6.5 Fa'amatala lelei mai le fa'atinoga o le Sāsā.

Tomai 'ausia	
2	
1	
0	
LT	

6.6 O le ā le ta'aloga a Sāmoa e iai le vaogagana lenei?

Osi to'ilalo

Tomai 'ausia	
1	
0	
LT	

Tusi mai se alagaupu e maua mai le 'tauti'aga'.

Tomai 'ausia	
1	
0	
LT	

Nūmera Ā'oga									

GAGANA SĀMOA

2015

(Mō le Togipepa)

VĀEGA	Togi	TOGI 'AUSIA	TOGI AOFA'I
1. Vaēga 'ese'ese 'o le Gagana	16		
2. A'oina 'o le Gagana	16		
3. Fa'amaumauga ma Fetufaā'iga	24		
4. Feso'ota'iga i Alafa'asalalau	20		
5. Fa'atinoga o Tu ma Āga 'a Sāmoa	12		
6. Fa'afiafiaga ma Ta'aloga	12		
AOFA'IGA	100		